



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-294-3/24**
Datum: **01.08.2024. god**

«Agencija za vodno područje rijeke Save» Sarajevo rješavajući po zahtjevu pravnog lica JP Željeznice Federacije BiH d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije radionice za održavanje i opravku pružne mehanizacije „MOP“ Blažuj, izgrađene u Blažuju, općina Ilidža, Sarajevo na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu JP Željeznice Federacije BiH d.o.o. Sarajevo daje se vodna dozvola za ispuštanje tehnoloških otpadnih voda i oborinskih onečišćenih voda sa lokacije radionice za održavanje i opravku pružne mehanizacije „MOP“ Blažuj, izgrađene na zemljištu označenom kao k.č. broj 701/6, 701/8, 701/9, 703/11, 703/13 i 703/14 K.O. Donji Butmir (z.k. stanje), što odgovara k.č. broj 376 K.O. Blažuj (kat.stanje) u Blažuju, općina Ilidža, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu pregleda dostavljene projektne i druge dokumentacije, utvrđenog činjeničnog stanja i uz slijedeće uslove:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Korisnik poslovnog objekta za sve vrijeme trajanja ove vodne dozvole treba obezbijediti da se oborinske onečišćene vode sa predmetne lokacije, manipulativnih i parking površina i pretakališta ekstra lakog lož ulja, nesmetano sakupljaju putem slivnika sa slivnom rešetkom, internom kanalizacionom mrežom odvede do tipskog separatora ulja i naftnih derivata, te nakon prečišćavanja do ispusta izvedenog u upojni bunar.
 - 3.3. Skladištenje i pretakanje naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Korisnik poslovnog objekta je obavezan da tehnološke otpadne vode sa lokacije pranja pružne mehanizacije prikuplja putem slivnog kanala i internom kanalizacionom mrežom odvede do tipskog separatora ulja i naftnih derivata, te nakon prečišćavanja do ispusta izvedenog u upojni bunar.
 - 3.5. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.

- 3.6. Da se opravka pružne mehanizacije vrši isključivo u radionici namjenjenoj za tu vrstu aktivnosti.
- 3.7. Da se odgovorno vodi proces rada kako bi se smanjila količina ispuštenih ulja, maziva i sl. u toku opravke i remonta pružne mehanizacije.
- 3.8. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 3.10. Prikupljanje, odvoz i konačno zbrinjavanje opasnog otpada sa lokacije predmetnog objekta sa pratećim sadržajima (filteri iz lakirnice, motorna ulja, zaujene krpe i sl.) može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.11. Osigurati priručna sredstva za brzu intervenciju u slučaju nekontrolisanog prosipanja motornog ulja, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.12. Da se posude za prihvatanje opasnog otpada (hidraulička ulja, masti za podmazivanje, sredstva za čišćenje i sl.) ne smiju ni privremeno odlagati na česticu „vodno dobro“, odnosno u vodotoke i na njegove obale.
- 3.13. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim u toku procesa rada na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
- 3.14. Da pražnjenje i konačno zbrinjavanje sadržaja iz posuda sa opasnim otpadom može vršiti isključivo pravno lice ovlašteno za tu vrstu djelatnosti, prema posebno sklopljenom ugovoru, te redovno voditi dnevnik o pražnjenju i odvozu sadržaja iz posuda sa opasnim otpadom.
- 3.15. Da se izdvojena ulja i talog iz separatora sakupljaju u za to posebno pripremljene i na vidnom mjestu označene posude, te zbrinjavanje povjeriti pravnom licu ovlaštenom za tu vrstu djelatnosti prema sklopljenom ugovoru.
- 3.16. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.

6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog objekta obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice JP Željeznice Federacije BiH d.o.o. Sarajevo se pismenim putem obratilo ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda sa lokacije radionice za održavanje i opravku pružne mehanizacije „MOP“ Blažuj, izgrađene na zemljištu označenom kao k.č. broj 701/6, 701/8, 701/9, 703/11, 703/13 i 703/14 K.O. Donji Butmir (z.k. stanje), što odgovara k.č. broj 376 K.O. Blažuj (kat.stanje) u Blažuju, općina Ilidža, Sarajevo.

U provedenom postupku dostavljena je i pregledana sljedeća dokumentacija:

- Kopija Aktuelnog izvoda iz sudskog registra izdatog od strane Općinskog suda u Sarajevu, broj: 065-0-RegZ-24-005545 dana 07.05.2024. godine;
- Kopija Uvjerenja o poreznoj registraciji JP Željeznice FBiH d.o.o. donesenog od strane Porezne uprave – Kantonalni ured Sarajevo dana 29.01.2007. godine;
- Kopija Uvjerenja o poreznoj registraciji JP Željeznice FBiH d.o.o. – Radionica za opravku teške pružne mehanizacije, Blažuj, donesenog od strane Porezne uprave – Kantonalni ured Sarajevo dana 07.03.2007. godine;
- Kopija Rješenja o odobrenju za građenje izdatog od strane Službe za prostorno uređenje Općine Ilidža, broj: 03-23-2655/03 dana 19.01.2004. godine;
- Kopija Rješenja o upotrebnoj dozvoli izdatog od strane Službe za prostorno uređenje Općine Ilidža, broj: 03-23-3246/05 dana 24.01.2006. godine;
- Kopija Rješenja o vodnoj dozvoli izdatog od strane Ministarstva privrede Kantona Sarajevo, broj: 07-05-25-7332/19 dana 14.06.2021. godine;
- Kopija Rješenja o vodnoj dozvoli izdatog od strane Agencije za vodno područje rijeke Save Sarajevo, broj: UP-I/25-3-40-713-3/19 dana 14.02.2020. godine;
- Kopija Izvještaja o monitoringu kvaliteta i kvantiteta otpadnih voda, urađen od strane TQM d.o.o. Lukavac, maj 2024.;
- Kopija Uvjerenja o izvršenom priključku na lokalnu fekalnu kanalizacionu mrežu, datog od strane Službe za komunalne poslove i infrastrukturu Općine Ilidža, broj: 12-19-8774/22 dana 31.03.2023. godine;
- Kopija katastarskog plana;
- Projekat izvedenog stanja prikupljanja, tretmana i ispuštanja oborinskih voda za radionicu MOP Blažuj, urađen od strane FlexInvest d.o.o. Sarajevo, februar 2024. godine;

- Glavni projekat prikupljanja, tretmana i ispuštanja oborinskih voda za radionicu MOP Blažuj, urađen od strane TEAM HIDRO d.o.o. Sarajevo, juni 2023. godine;
- Dokaz o uplaćenju upravnoj pristojbi.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15), ovaj organ je pokrenuo upravni postupak, te je dana 26.07.2024. godine izvršen pregled predmetne lokacije, o čemu je sačinjen Zapisnik o uviđaju broj: UP-1/21-3-40-294-2/24.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Objekat radionice za održavanje i opravku pružne mehanizacije izgrađen je na zemljištu označenom kao k.č. broj 701/6, 701/8, 701/9, 703/11, 703/13 i 703/14 K.O. Donji Butmir (z.k. stanje), što odgovara k.č. broj 376 K.O. Blažuj (kat.stanje) u Blažuju, općina Ilidža, Sarajevo. U krugu predmetne radionice izgrađeni su i objekti: kancelarijski i skladišni objekat, radionica, kotlovnica, kanal za prihvata vode od pranja pružne mehanizacije, čuvarska kuća, parking i manipulativni prostor.

U radionici za opravku pružne mehanizacije nalazi se servisni kanal. Servisni kanal je opremljen slivnikom za prihvata voda od pranja radionice, koji je priključen na internu vanjsku kanalizacionu mrežu. Otpadne vode koje nastaju od pranja servisne radionice se odводе u dva prelivna sabirna rezervoara zapremine 12 m³. Čišćenje i zbrinjavanje sadržaja spremnika se vrši od strane KJKP „ViK“ d.o.o. Sarajevo.

Zamjenska ulja koja se mijenjaju u toku remonta i servisiranja pružne mehanizacije prikupljaju se u burad, te se koriste za vlastite potrebe.

Otpadne vode od pranja pružne mehanizacije se prikupljaju putem slivnog kanala i odводе do separatora ulja i naftnih derivata, a zatim upuštaju u upojni bunar.

Oborinske onečišćene vode koje se prikupljaju putem slivnika sa manipulativnih, parking i saobraćajnih površina i prostora za skladištenje lož ulja u podzemni čelični spremnik zapremine 5 m³, se odводе do separatora ulja i naftnih derivata, a zatim upuštaju u upojni bunar.

Na osnovu dostavljene dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu („Službene novine Federacije BiH“, broj 71/09 i 102/18) korisniku predmetnog objekta utvrđene su obaveze u tački 6. dispozitiva ovog Rješenja.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda sa predmetne lokacije, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Prilog:

Projekat izvedenog stanja prikupljanja, tretmana i ispuštanja oborinskih voda za radionicu MOP Blažuj, urađen do strane FlexInvest d.o.o. Sarajevo, februar 2024. godine;

Glavni projekat prikupljanja, tretmana i ispuštanja oborinskih voda za radionicu MOP Blažuj, urađen od strane TEAM HIDRO d.o.o. Sarajevo, juni 2023. godine;

Dostaviti:

- JP Željeznice FBiH d.o.o. Sarajevo, Musala broj 2, 71000 Sarajevo (sa prilogom)
- ⊗ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava